

INUIT ATAQATIGIIT

INATSISARTUNI



Nuuk 13.nov. 2023

Inatsisartut suleriaasianni § 37 naapertorlugu Naalackersuisunut imaattunik apeqqute-qarpunga:

- 1. Saarullik nalittorsarumallugu, tamakkerlugulu tunisassiarilersinnaaqullugu RG tunisassiorfimmik – aalisakkerivimmik nutarteralunilu pilersitsissagaluaruni tamanna aningaasatigut qanoq naleqassagaluarpa? Soorlu assersuutigalugu;**
 - a. Niaqua perlukuilu panertillugit avammut tunisassiaralugit
 - b. Tingua olie-mut kinillugu qillertuusanut poorlugu qallersuuseriaralugu aammalu igalaaminermut poorlugu tingulialiaralugu qallersuutissatut.
 - c. Suai qillertuusamut poorlugit qallersuutissatut (torskerogn)
 - d. Nerpia seernartumut kinillugu agguararlugu uanitsulerlugu qallersu-serialugu igalaaminermut poorlugu.

- 2. Saarulliup allatut qanoq tuniasassiatut nalittorsarneqarsinnaanera pillugu Naalackersuisut qanoq takorluugaqarpat?**
 - a) Saarulliup allatut qanoq tuniasassiatut nalittorsarneqarsinnaanera pillugu Naalackersuisut qanoq pilersaaruteqarpat?

(Inatsisartuni ilaasortaq Peter Olsen, Inuit Ataqatigiit)

Tunngavilersuut:

Nunatta pissarititaanik atorluaanitsigut aamma naleqarnerulersitsisinaavugut.

Assersuutigiinnarlugu saniligut Islandermiut qanoq iliorpat? Saarullik nunguuvillugu nungullugu tamaaviat tamaat tunisassiarisarpaat; niaqua, tingua, aqajarua, erlavii suna tamaat tamannuat tunisassiaraat. Niaqua saanikorsualu allaat panerteriarlugu qavunga Afrikakkunnut tunissiarineqartarpoq. Taamaaliornermikkut saarullik naleqarnerulersippaat, kikkunnut tamanut Islandermiunut aningaasarsiornikkut iluaqutissanngortillugu.

Uaguttaaq tamanna pikkoriffiginerusariaqarparput. Tunisassiassanik nutaaliorneq, ineriartorti-tsineq misileraanerlu pikkoriffiginerusariaqarparput.

Nunatta aningaasarsiornikkut iluaqutigigisinnaasaanik pisariaqartitseruttulernitta nalaani nutaaliorderit, ineriartortitsinerit, misileraanerillu aatsaat taama pisariaqartitsigilerpagut.

Aningaasaqarnikkut nunatsnnut iluaqutaaginnarani suliffissaqartitsiniarnikkut aamma iluaqutaalluarsinnaanissaa qularugitineqarsinnaangilaq.

Taamaattumik taamatut tunngavilersuuteqarlunga matumuuna apeqquteqaatikka ingerlateqqipakka.